

CYNGOR GWYNEDD – Adroddiad i Gabinet Cyngor Gwynedd

Teitl yr eitem:	<u>Cynlluniau Cronfa Ffyniant Gyffredin 2025/26 Gwynedd</u>
Aelod Cabinet:	Y Cyngorydd R. Medwyn Hughes Aelod Cabinet Economi a Chymuned
Swyddog perthnasol:	Dylan Griffiths Rheolwr Gwasanaeth Datblygu'r Economi, Adran Economi a Chymuned
Dyddiad y cyfarfod:	10 Mehefin 2025

1. Penderfyniad a Geisir

- 1.1 Cytuno i ymrwymo hyd at £7,901,000 o ddyraniad 2025/26 Gwynedd o Gronfa Ffyniant Gyffredin y DG i'r 14 cynllun a restrir yn yr adroddiad.
- 1.2 Dirprwyo'r hawl i'r Pennaeth Economi a Chymuned - mewn ymgynghoriad â'r Pennaeth Gwasanaeth Cyfreithiol, Pennaeth Cyllid a'r Prif Weithredwr - gadarnhau manylion y cynlluniau a'r cyfraniad ariannol.

2. Beth yw'r rheswm pam fod angen i'r Cabinet wneud y penderfyniad

- 2.1 Dyma [Cabinet 08 Ebrill](#) yn gofyn i'r Panel Cronfa Ffyniant Gyffredin roi ystyriaeth fanwl i'r cynlluniau unigol sydd dan ystyriaeth ar gyfer dyraniad Gwynedd o'r Gronfa Ffyniant Gyffredin, gan gyflwyno argymhelliad yn ôl i'r Cabinet ar y dyraniadau unigol.
- 2.2 Bellach mae'r Panel wedi ystyried y cynlluniau a chytuno ar argymhellion i'r Cabinet.

3. Cyflwyniad a rhesymeg

- 3.1 Cyflwyniad
 - 3.1.1 Daeth cyfnod cyllido y Gronfa Ffyniant Gyffredin (SPF) i ben ar 31 Mawrth 2025. Dyma'r 40 cynllun roedd Cyngor Gwynedd wedi ymrwymo arian SPF iddynt yn llwyddo i wario £23.95 miliwm i elwa cymunedau, trigolion, mentrau a sefydliadau leded y sir.
 - 3.1.2 Yng Nghyllideb yr Hydref (30 Hydref 2024) dyma Llywodraeth y DG yn cyhoeddi bwriad i barhau â'r Gronfa gyda llai o arian am flwyddyn bontio yn 2025/26. Mae bwriad cael trefn ariannu diwygiedig yn ei le o Ebrill 2026.
 - 3.1.3 Ar 13 Rhagfyr 2024 cyhoeddwyd fod £42.42 miliwn wedi ei ddyrannu i Ogledd Cymru ar gyfer 2025/26, oddeutu hanner gwariant 2024/25. Roedd £8.19 miliwn wedi ei ddyrannu i Wunedd, gyda tua £7.90 miliwn ar gael ar gyfer prosiectau.

3.1.4 Dyma [Cabinet 08 Ebrill](#) yn cytuno i barhau gyda'r drefn llywodraethu ranbarthol a lleol ar gyfer y blwyddyn bontio 2025/26. Dyma'r Cabinet hefyd yn cytuno fod yn ofynnol i bob cynllun yn derbyn arian Gwynedd barchu dau egwyddor ac yn cytuno i barhad cronfeydd i ddosbarthu symiau llai o arian SPF i fentrau a chymunedau'r sir.

3.1.5 Dyma Cabinet 08 Ebrill yn gofyn i'r Panel Cronfa Ffyniant Gyffredin rhoi ystyriaeth fanwl i'r cynlluniau unigol sydd dan ystyriaeth ar gyfer dyraniad Gwynedd o'r Gronfa Ffyniant Gyffredin, gan gyflwyno argymhelliad yn ôl i'r Cabinet ar y dyraniadau unigol.

3.2 Rhesymeg a chyflwyniad dros argymell y penderfyniad

3.2.1 Mae'r Panel - sy'n cynnwys Aelodau Cabinet (yn benodol yr Arweinydd, Is-Arweinydd, Aelod Cabinet Economi a Chymuned a'r Aelod Cabinet Cyllid) a phrif swyddogion (y Prif Weithredwr, Pennaeth Cyllid, Pennaeth y Gwasanaeth Cyfreithiol a'r Pennaeth Economi a Chymuned) – bellach wedi adolygu manylion y cynlluniau unigol a cytuno ar argymhellion i'r Cabinet.

3.2.2 Mae'r pecyn o gynlluniau sydd yn cael eu hargymell yn cynnwys 14 prosiect. Cyfanswm yr ymrwymiad o dyraniad SPF Gwynedd ar gyfer 2025/26 yw £7.90 miliwn:

1. **Camau Cefnogol - help i gynnal pobl ifanc mewn addysg neu hyfforddiant**
Grŵp Llandrillo-Menai (cynllun hefyd yng Nghonwy a Môn)
2. **EGNI - help i ddatblygu sgiliau busnesau a'r gweithlu lleol**
Grŵp Llandrillo-Menai (cynllun hefyd ym Môn)
3. **Gweithgaredd i sicrhau budd o gynllun Twf Gogledd Cymru**
Uchelgais Gogledd Cymru (cynllun hefyd ym Môn, Conwy, Sir Ddinbych a Sir Y Fflint)
4. **Cymorth mentrau cymdeithasol a mentrau ym mherchnogaeth eu gweithwyr**
Cwmpas yn arwain (cynllun hefyd ym Môn)
5. **Hwb Mentergarwch Gwynedd a Môn**
Menter Môn yn arwain (cynllun hefyd ym Môn)
6. **Cynllun Talebau Sgiliau ac Arloesedd, a Môr Ni Gwynedd**
Prifysgol Bangor (rhan o'r cynllun hefyd ym Môn a Sir Y Fflint)
7. **Iach ac Actif – gweithgarwch corfforol a lles o fewn cymunedau**
Gogledd Cymru Actif (cynllun hefyd ym Môn, Sir Ddinbych a Sir Y Fflint)
8. **Pecyn cymorth i bobl gyflawni eu potensial yn y byd gwaith**
Cyngor Gwynedd yn arwain; Adra / cymdeithasau tai a Gisda yn bartneriaid
9. **Cronfa i gefnogi mentrau Gwynedd**
Cyngor Gwynedd
10. **Canol Trefi Gwynedd Ni – pecyn gweithgaredd llefydd llewyrchus**
Cyngor Gwynedd gan gydweithio â Chynghorau Tref a Chymuned y sir
11. **Cronfa Adfywio Cymunedol a chefnogaeth datblygu syniadau**
Cyngor Gwynedd yn arwain; Menter Môn yn cefnogi rhai cymunedau

12. Pecyn datblygu gwytnwch cymunedol

Cyngor Gwynedd yn arwain; Cyngor ar Bopeth, Ability Net, Mantell Gwynedd, Adra, Hybiau Cefnogi Pobl a'r Bartneriaeth Trafnidiaeth Cymunedol yn bartneriaid

13. Diwylliesiant - pecyn diwylliant, treftadaeth a lles corfforol

Cyngor Gwynedd yn arwain; Byw'n Iach, Prifysgol Bangor ac Antur Waunfawr yn bartneriaid

14. Cronfa Sector Wirfoddol

Mantell Gwynedd

3.2.3 Bydd gofyn i Uchelgais Gogledd Cymru (cynllun 3 uchod) sicrhau fod eu gofyn yn hafal rhwng pob sir.

3.2.4 Mae'r Panel hefyd argymhell fod gofyn i Grŵp Llandrillo-Menai ymrwymo i gydweithio gydag Adrannau'r Cyngor a chynlluniau perthnasol a bod darpariaeth ledled Gwynedd.

3.2.5 Mae saith cynllun yn geisiadau i barhau cynlluniau yn gweithredu ar draws mwy nac un sir. Mae'r ceisiadau yma yn gofyn am £1.46 miliwm (18.5%) o'r SPF ar gael i Wynedd yn 2025/26. (Mae parhad y ceisiadau yma yn amodol ar gefnogaeth siroedd perthnasol eraill).

3.2.6 Bydd y saith cynllun arall yn weithredol yng Ngwynedd yn unig. Bydd £6.45 miliwm (81.5%) o'r arian SPF ym mynd i'r cynlluniau yma. Mae bob cynllun yn cynnwys darpariaeth ar draws Gwynedd.

3.2.7 Mae'r cynlluniau yn adeiladu ar yr hyn sydd wedi ei ddysgu o wireddu'r SPF yng Ngwynedd yn cyfarch yr egwyddorion sydd wedi eu sefydlu ac yn cynnig cydbwysedd priodol o weithgaredd ar draws y themâu a gweithio yn sirol ac ar draws siroedd pan yn fanteisiol.

3.3 Camau nesaf

3.3.1 Bydd manylion terfynol y cynlluniau yn cael eu gwirio wrth i'r manylion ddod i law, ac yna cyfarwyddyd i ddarparu llythyrau cynnig yn cael ei ryddhau.

3.3.2 Gall gynlluniau gychwyn yn y cyfamser o'r gyntaf o Ebrill, ar risg yr ymgeisydd a'u partneriaid.

4. Sylwadau Swyddogion Statudol.

4.1 Prif Swyddog Cyllid

"Mae swyddogion yr Adran Gyllid wedi cydweithio'n agos gyda swyddogion Economi a Chymuned yn ystod cyfnod cychwynnol y Gronfa Ffyniant Gyffredin, a byddwn yn parhau i wneud hynny yn ystod 2025/26. Rwyf yn fodlon fod trefniadau cadarn yn eu lle i weinyddu'r cynllun hwn, sydd yn fy ngalluogi i roi sicrwydd yn unol â fy nyletswyddau fel y swyddog cyllid statudol sydd â chyfrifoldeb am weinyddiad priodol yr arian. Rwyf hefyd o'r farn fod trefniadau cadarn wedi bod yn eu lle er mwyn adnabod prosiectau i'w cynnwys yn y rhaglen."

4.2 Swyddog Monitro

"Mae'r adroddiad yn cynrychioli crynodeb teg a phriodol o argymhellion y Panel ar gyfer y rhaglen CFfG 25- 26. Rwy'n fodlon gyda priodoldeb yr penderfyniad a geisir."

Rhestr Atodiadau:

1. Amlinelliad o gynlluniau SPF 2025/26

Rhestr Dogfennau Cefndir:

1. Eitem Cabinet 08 Ebrill 2025: 'Cronfa Ffyniant Gyffredin 2025/26 yng Ngwynedd'
[Rhaglen ar gyfer Y Cabinet ar Dydd Mawrth, 8fed Ebrill, 2025, 1.00 y.h.](#)

